

KONCEPTE TË PËRGJITHSHME MBI KONTROLLIN E INFEKSIONEVE NË REANIMACION.

RUDIN DOMI, ILIR OHRI*

Summary

THE GENERAL CONSIDERATIONS FOR CONTROL OF INFECTION IN I.C.U.

There are several measures in order to prevent the infections disease in ICU beginning from hand washing, aseptic rules, the use of gloves, minimizing the blood and its components transfusions. Invasive monitoring and insertion of different intravenous (periferial or central one) or urinary catheters will be regarding strict indications. Prophylactic use of antibiotics has to be done only when necessary. Enteral nutrition is helpful to minimize the infection's rate. The personnel education and the existence of specific guidelines is a real challenge to our service.

Parandalimi dhe kontrolli i infeksioneve në reanimacion është një nga sfidat e sotme në repartet e terapisë intensive.

Të veçantat e të sëmurëve në reanimacion

Të sëmurët në reanimacion kanë veçoritë e tyre që rrjedhin nga:

Patologjia bazë: si pankreatit, kolecistit, ileus, trombozë mezenteriale, politraumë ose edhe edemë pulmonare.

Në rastet e pankreatitit nekrotikohemorragjik kemi alterim të hemodinamikës me hipoperfuzion qelizor manifestuar me oligoanuri, status mental të alteruar, acidozë laktike. Pacientët paraqesin dukuri hemorragjike që rrjedhin si pasojë e hemolizës ose fibrinolizës. Ekstravazimi thëllon hipoproteineminë që prek edhe fraksionet imunokopetente.

Nga ana tjetër në sajë të statusit mental

viskoz krijohen kushte për pneumoni aspirative. Pleuritët janë të zakonshme sidomos nga hipoproteinemia relative.

Hiperglicemia dhe rezistenca ndaj insulinës çon në konsumim të lipideve dhe proteinave duke ulur kështu dhe sasinë e imunoglobulinave. Të gjitha këto e bëjnë pacientin me pankreatit akut nekrotikohemorragjik të prekshëm ndaj infeksioneve.

Peritoniti akut të çon drejt sepsisit dhe ndër çrregullimet e para janë: çrregullimet elektrolitike, ekstavazim, ulje të motilitetit intestinal gjë që sjell atrofi të mukozës intestinale dhe ulje të imunoglobulinave IG-A lokale që nga ana vet çon në translokacion bakterial i cili është hapi i parë për fillimin e përgjigjes inflamatorë të përgjithshme. Kjo përgjigje çon në insuficencë multiorganore dhe sepsis.

Insuficenca renale (nekrozë tubulare) sjell

*Dërguar në Redaksi më 12 Nëntor 2004, miratuar për botim më 15 Shkurt 2005.

Nga Departamenti i Kirurgjisë, Shërbimi Anestezi-Reanimacion, Fakulteti i Mjekësisë, Tiranë.

Adresa për letërkëmbim: Ohri I.: Departamenti i Kirurgjisë, Shërbimi Anestezi-Reanimacion, Fakulteti i Mjekësisë, Tiranë.